

88230

寿身小补

四

壽身小補目錄

卷五

婦科總論扼要

調經通論證治 五條指方

崩帶淋漏不止證論 指方

辨白濁遺淋與帶病不同 指方

辨子嗣要論

種子男女調補證治 指方

認胎脈捷要

認分娩脈指要

胎候養胎分男女要論

安胎證治要論 指方

胎前子懸子氣子腫子淋子痢子瘖諸症 指方

胎漏症治總論 指方

胎動欲墮並屢墮胎 指方

胎不長及鬼胎症治 指方

催生要論 指方

臨產要論大略

胞破產難 指方

胞衣不出 指方

交骨不開產門不開子宮不收三症 指方

小產要論

小產症治 指方

下胎斷產辨要

下胎 指方

斷產 指方

論產後四禁

產後乍寒乍熱 指方

產後蓐勞症治 指方

產後喘促 指方

產後發瘧俗謂中風症 指方

產後惡露不止 指方

產後血崩 指方

產後乳少及乳不通 指方

乳吹乳妒 指方

乳癰乳岩 指方

乳自流出 指方

前陰各病證治 指方

壽小補卷五

貴筑黃兌楣先生手輯

婦科總論提要

諺云能醫十男子不醫一婦人蓋以婦人之病非男子直切痛快而言之女子之病自許多難於言者如天癸之或前或後顏色之或紫或赤或多或少之類又如似受娠而似無如似無孕而疑有又如下部有痛瘡處此等皆其常證又或有淫濁而更有下部許多怪異處此其所以難於直言也且陰陽之性一達一伏男子性陽諸達於外女子性陰諸伏於內達則易洩而少鬱故男子之病易治也伏則易鬱而少洩故女子之病難療也更有難者又若大貴婦女復以錦帕蒙其首既不能行望形之色又不能盡切脈之巧使脈有弗合未免多問而問之覺繁必謂醫學不精往往並藥不信殊不知問亦非易能善問者正非醫之善者不能也所以醫貴能明而不宜行耳吾人讀書稽古貴乎融會貫通每讀意堯先生所論婦科準繩全部千奇百變纖悉無遺論證則有二伯餘條用方有三伯餘法可謂至周且備無以復加矣然在事業岐黃而又勤於讀書者自當學習一經藉醫資食則何幸如之余輯是書原為家庭中全不知醫恐為庸醫所惑而欲各盡其身者起見故一切引經繁文之奧義義均不列入使其開門見山直由捷徑以免望洋之嘆如前部之天真棧要論以及陰陽水火括要諸篇於業儒之暇以餘力而細心推求雖婦

科于病萬態又何難哉茲分類立方各有專條諸爲余之應手而極經驗者其中有古方自製有倣照有變劣無不準繩酌理因時制宜而爲近時之捷要食規耳

調經通論證治 指方

凡婦女應時天癸而下百病不生其有不應時者或先或後先期而至陽太旺也爲中有熱後期而至陰不足也爲血不盈經先期者屬陽陰以抑陽後期至者當補陰以益氣又如腹痛腰痛脚痛在天癸將行之前者爲血中氣滯當和之散之如腰痛腹痛脚痛在天癸將行之後者爲血中氣虛調之補之至若色之淡紅者固爲虛卽血之紅紫者亦不得盡爲實且更有爛瓜昇汁各色諸由脾胃虧損不可妄用苦寒致成痼疾當歸期之先後閉之久暫下之多寡色之順逆總不外乎寒熱虛實以盡邪矣均列方於按條查用可也

一調經必貴補脾胃以資血源養腎氣以安血室凡虛閉者十有八九實閉者十止一二近時婦科不察虛實一聞天癸閉塞妄投通利每致血枯經竭而成癆瘵者良可慨也

一經水因虛閉者其脉左必弦細無力右關亦必軟弱精神困倦飲食減少此非閉也譬如小溝之水少而不能流入大溝何能外溢宜天滋化源使血氣運自然行矣當用第六方之八珍湯或第伯一七方之十全大補湯或第伯六四方之倣決津煎均爲極應之劑極應之法思愈愈妙倘妄投破血通利則大

誤矣

一經水因實閉者其人平日體必壯盛飲食必強脈必弦濇有力此有餘之閉也譬如溝中之水原可外溢而因溝內渣滓堵塞滯之即通其妙於第伯六五方之決津煎加減法極效若腹痛拒按是瘀阻不行又其妙於第伯六六方之經驗通瘀飲極效

一經水或先後不對或時多時少或腹腰脚痛或顏色不正或飲食減少此由血虛經亂不足之證也萬不可通利倘妄投剝削必成癆瘵難治者當補腎扶脾隨時多服久之自然應時而下諸症自除矣宜用第伯一七方十全大補湯或第九六方之五福飲均為極效之劑且須每日投之數十服後必調矣一房勞太過亦主經事不調此由腎虛經亂宜用第九七方之一陰煎以熟地倍用極效或用三五方之做歸腎元法均屬屢驗

一凡秉賦本虛向係嬌柔弱質飲食減少而天癸不調者不必他法惟以第一方之大補元煎日服之久之必調屢試屢驗

崩帶淋漏不止證論

經曰陽搏陰別謂之崩百病始生此言婦女寸口脈大而尺脈小也又曰脾和化血不和化帶漏之有白有赤悉由脾元之不足也淋瀝不止者血中之氣虛而不能收攝也凡此等症皆經亂之甚者也非大

滋化源必致纏綿久而見消索一經作瀉飲食難進則難望喜色矣近時此等之證極多糸經驗諸方皆係本乎內經陰陽論篇內推求用之雖非古方略遵古法其應驗而大效者不知凡幾也

一崩漏不止者由元氣不足或因勞心過度或因情志不伸或因鬱怒傷肝致令血無所歸氣不能攝其脉右必浮大而虛左必弦緊而細是無論口渴不渴有熱無熱總且補血益血活血爲要因名之曰三助濟生飲卽於第伯六七方內查開加減處用之百發百中或用第二九四之加減保陰煎均妙如崩漏止後宜用第伯五六方之補陰益氣煎或第五方之做歸腎元法多劑調補極爲神效

一帶下有各色如色白者其病在肺宜用第伯五六方之補陰益氣法內加炒梔二錢○如色赤者其病在心由於思慮過度宜用第六三之遠志湯內加當歸四錢川連錢半炒梔錢半愈後以第九二之益陰海參丸調補更妙○如色黃者其病在脾宜用第伯三七方之五君子煎內加味法再加炒梔錢半○如色黑者其病在腎宜用第伯八之六味地黃湯或第九七之二陰煎內去牛膝均效總須數十服方能見功○若氣血俱虛者其人或時作眩暈四肢無力少食懶言則無論所下何色皆以第六之八珍湯日逐一劑必得百劑方見效○氣短神疲喜煖惡涼兩腿發冷者此陽虛下陷無論所下何色皆以第二之壽脾煎多服極妙此證婦女極多其所以每多難愈者不由於專方服藥致成痼疾果能守方日進必操全功也

○辨白濁遺淋與帶病不同 指方

凡婦女病帶出於胞宮精之餘也淫濁出於膀胱水之濁也蓋帶病出於脾腎之虛滑而成淫濁多由於膀胱之濕熱而作此其所以有辨也詳治於左

一淫濁初起而見熱澁宜用第三七方之大分清飲主之

一初起無熱而窒者宜用第伯四二方之經驗薏米湯或第伯六八方之滑石散均效

一因怒後肝火旺而爲下流者宜用第五一方之消風百解法主之

一因服涼藥以致下焦不固者以第伯六九方之草薢分清飲主之

一因元氣大虛而下陷者惟用第二方之壽脾煎最妙總宜多服

一通治遺淋淫濁虛證如第伯五六之補陰益氣煎第二九四之加味保險煎第伯三三方之攸冒關煎

均爲應驗守方專服必見全可

○辨子嗣要論

凡人之不生子者不得盡委之於命有男子不能生子者有女子不能生子者而種子之法諸書所說甚繁徒亂人意以余測悉由於病也如男子不能生子之病則有精滑精清精冷以及酒色過度強固強留或素有疝氣夢遺等證不得盡誘之於婦人緣男子所在精也如婦人不能生子之病較之男子尤多則

有血枯血少血熱血寒以及子宮虛冷而爲命門火衰者及衝任氣虛而不能凝結真精者更有氣痞血瘕癥瘕之類而經期之或先或後顏色之或淡或濃甚至奇怪各色或脾胃虛弱而化爲帶濁淫穢或肝強脾弱而秉性暴戾或心緒紛紛而素多鬱結致令血海空虛精射空虛陰虛損難以成胎亦不得盡諉於男子緣女子所重血也則知其精在血而求子之法男子勿使傷精女子勿令傷血其在精則用填之益之之法也其在血則用助之活之之法也以此調治則天下之男子婦人再未有不生子者矣宜細玩而調補之

○○種子男女調補證治 指方

一男子精滑或由用心過度或由房勞過多致令腎虛不能約束焉能生子宜兜塞腎氣大補陰精卽以第伯五六方之補陰益氣煎內去柴胡加生北五味一二錢圓脂酒炒三四錢炒龍骨四五錢以補塞之或用第三五倣歸腎元法加生北五味亦可

一男子精清精冷者命門火衰焉能望子每有用黑錫丹助春丹之類害人不淺深爲可殺當以陰中求陽方爲正治宜用第伯五七方之水中取火法內加菟絲子三四錢胡巴酒炒四五錢並將熟地儘可用至二三兩一劑每日服百劑後必見精稠精熱充實氣旺矣

一酒色過度強固強留者此自取咎戾余亦莫之如何倘或改悟亦惟以第伯四一之經驗善戒飲及第

伯七十方之大營煎均效

一素有疝氣夢遺等證房事維艱焉能望子乘其未發病之日卽以第伯四三方之全真一氣法去牛膝加固脂三四錢用核桃肉十枚拌炒黃色煎好臨睡時服之百餘劑必效

一男子陽痿精衰者焉能望子卽以第伯七七方之調元贊育法每早晚一劑數十服後以此方加十倍作丸每早晚服五錢

一婦人面無潤澤身體瘦弱必然血枯血少經期必然退後來時色淡亦少莫妙於第伯七五方之十全種子湯極其神效

一婦人月事先期而至難於受娠其候必口苦舌焦唇紅易飢經色紅紫著血中有熱也莫妙第伯七六方之定經抑陽煎均效此余得意之方應驗無數

一婦人實係氣血兩虛體瘦神疲或帶濁過多倦於房事情意冷淡焉能生子則卽以第伯七八之倣毓麟珠加減法百服投之必能生子均爲屢應種子之方盡於是矣

○○認胎脈提要

凡婦人懷娠者其血留氣聚胞宮內實故脉有滑數倍常此當然之理也然有中年受娠及氣血虛弱之婦則細小之脉不數者亦有之但於微弱之中亦必有隱隱發動之象此正陰搏陽別之謂也卽受娠之

脉有可辨也又胎娠之脉數而勞損之脉亦數大有相似損脉之數多兼弦濇而胎娠之數必兼和滑此當於幾微中辨其邪氣胃氣之異而再審外證自有顯然可見者再有三部脉而浮沉正等無他病而不月者姙也又認胎脉之象如坎離二卦坎中滿陽在內也其脉內沉實有中滿之象所以爲男離中虛陰在內也其脉多浮虛有虛中虛之象所以爲女以此辨之百無一失且受娠之脉有六象弦緊牢強利滑能六象全則胎必全無妨碍得四象者亦能穩固六象中僅能二三其胎宜謹慎調護稍有不妄察其所因而治之可也

○○認分婉胎括要

凡欲產之脉必離經離經者必歇至之脉至時忽止其來大小不勻啓蒙云離經之脉認分明其來大小不調勻或如雀啄屋漏應腰疼腹痛眼生花再指中指三節跳產在須臾却非病

○○胎候養胎分男女要論

五臟論中有奇要論曰一月如露珠二月如桃花三月男女分四月形象具五月筋骨成六月毛髮生七月遊其魂男能動左手八月遊其魄兒能動右手九月三轉身十月成氣足且天地之氣始於春而人以應之所以受胎一月名胎胚肝脉養之二月名始富膽脉養之三月名始胎心包脉養之當此之時形象始化未有成儀因感而變欲子端正莊嚴口談正言行正事欲子美玉宜佩白玉欲子賢能宜看詩

書是謂內象而外感者也四月始成其血脈三焦脈養之五月始成其氣脾脈養之六月始成其筋胃脈養之七月始成其骨肺脈養之有七個月內卽產者其兒元氣薄弱雖然成人疾病必多八月始盧革成大腸脈養之九月始成毛髮胃脈養之十月見於母腹之中受足諸臟氣脈所養然後待時而生此誠至理間有十月已成而不產甚至十三四月而生者此係娠婦氣實血多先天之由無足怪異蓋胎有男女懷有向背男胎動在三月陽性早也女胎動在五月陰性遲也女胎背母而懷故母之腹軟男胎面母而懷故母之腹硬此皆得理之談所當察也

○○安症治要論

凡胎之不安者或虛或實或寒或熱必有所因倘無所因再未有胎之不安也故凡胎之不安者察其所因而治之是卽所以安胎也時醫徒一味以香附芩連白朮卽爲安胎聖劑永有不誤事者也余以娠婦秉賦之虛實相體施之無不大小咸寧

一胎有因娠婦體素虛弱而不安者其人必多眩暈脈亦細小力薄必得大補元氣助其氣血其胎自安宜用第伯八二方之做胎元飲主之或用第六方之八珍湯或第伯一七方之十全大補湯又或用第九方之五福飲皆可擇用如察實其虛寒之證者煎劑內加入熟附片二三錢均宜

一胎有因孕婦體本強健或有氣滯氣實而不安者其脈必弦實力大或爲惡阻或爲脹滿等症宜用第

伯八三方之涼胎飲加減法或用第三六方之養陰退陽法或用第三十方之服續煎均可擇用如察實其內熱之甚者煎劑內加入犀角屑二三錢均宜

一安胎有可用之藥而宜慎用者如黃蘗白朮人參固爲可用之味其性甚升提須防閉胃是當慎之又有一全不可用而宜慎用者如麝香牛膝神曲之味其性下行皆能墮胎以及野物草藥性異之藥見聞者尤爲禁用又有必不可少之藥而宜斟酌體之弱弱而輕重佐之者如陳皮枳殼砂仁蘇梗皆爲善調胎氣之品尋常用之是以受胎無恙起居飲食如常萬萬不可服藥果有不安亦不必他求卽以此數方隨變運用必見太平而易產矣

○○胎前子懸子氣子腫子煩子嗽子淋子癰子瘡各證

指方

一子懸證其候胎氣不安癆上胸腹心脇俱疼者是也其脉必右寸實大左關不足宜用第二貳七之紫藥飲或第貳二八方之蒼朮湯亦可

一子氣證其候胎婦數月雙足浮腫或流黃水喘悶不食者是也此由抑鬱感寒其脉必右寸沉實宜用第貳二九方之天仙藤散二三劑卽愈

一子腫證其候胎中挾水遍身浮腫是也此由脾土虛而不能制水其脉必右關虛浮宜用第四五方之扶脾養元法主之

一子煩證其候孕婦五月內心驚膽怯煩悶不休者是也其脈必左寸洪實宜用第貳三十方之竹葉麥冬湯主之

一子嗽證其候孕婦不時欬嗽者是也此由胎火上衝其脈必右寸洪大有力宜用第貳三壹方之紫苑湯加味法主之

一子淋證其候小便淋漓者是也此由娠婦不謹房勞觸動相火而然其脈必左關虛弱左寸洪數宜用第伯七十方之大營煎或用第三六方之養陰退陽法均效

一子痢證其候娠婦偶受風寒忽然口角流涎吐沫角弓反張昏不知人是也其脈必左關尺兩部虛弱兩寸畧旺後必見緊數宜用第二三方之羚羊角散主之

一子瘡證其候娠婦將次分娩或在八九個月時忽然失音不語者是也此係腎脈養胎之時而胞絡系於腎當此分娩不久腎不系胎胞絡之系絕其系上貫舌本系絕則不能言不能言則瘡矣凡此者並不傷胎無足恠異不必驚慌不必服藥俟分娩後自能言語倘妄投藥劑反致悞事或常用白茅根泡水當茶或常用訶子敲碎一二個泡水當茶亦可然亦不能開聲不如聽之而已倘滿十個月不分娩又非腎脈養胎即不聲而亦能言矣

○○胎漏症治總論

指方

凡胎漏有因病後而脾元虧損氣不能攝血者有因秉賦本虛而衝脈氣虛不能束胎者有因血中有火而血從火亂者有因暴怒傷肝而爲肝火漏血者有因憂鬱悲傷而肺氣下陷者有因負重跌撲而爲用力漏血者各有所因其漏不一必察其脈尙屬牢強方急安之塞之也倘脈過於滑利即不必他强安塞

戶變生他證

一病後脾虛不能攝血而漏者其兩關脈必浮弦無力外證必力竭神疲宜用第二方之壽脾煎或用第四五方之扶脾養元法加炒阿膠珠四五錢主之

一秉賦素虛而營氣不足不能束胎而漏者其脈雖滑利而重按無力或弦細而軟宜用第伯八四方之經驗加減固胎煎連日大劑或第九六方之五福飲內重用熟地再加炒阿膠五錢更妙

一血中有熱胎火內熾而漏者宜用第伯八五方之極效清胎飲甚妙

一因房事下血作痛而胎漏者宜用第六方之八珍湯加炒阿膠八錢艾葉醋炒一錢並效

一因跌撲觸動而漏者宜用第伯八六方經驗安胎散或第伯五六補陰益氣煎均可立效

〇〇胎動欲墮並屢墮胎 指方

凡胎動欲墮或因憂怒過度或因飲食誤傷或因氣體虛弱或因房事不謹或因負重跌撲皆能墮胎倘動之不甚而下血亦微者卽於前之安胎方中隨宜擇用倘動之實甚而下血亦多者卽不必勉強塞之